

Tragopogon foliis lanceolatis sessilibus amplexicaulibus dentatis, caule ramoso. *Gron. virg.* 1. p. 91.

Habitat in Virginia, Canada. Kalm.

Folia radicalia plurima, lyrata: lobis rotundatis, glabris. Caules subnudi, erecti, stricti; Folio uno alterove lanceolato, integro amplexicauli; Ramis paucis. Rami terminantur Pedunculis tribus, ad quorum exitum folia 2, lanceolata, opposita: altero minore. Calyx in 12 folia ad basin divisus, æqualia, corolla breviora. Flores saturate lutei. Habitus Arnicæ Gerbericæ. Pappus plumosus non est, nec stipitatus, sed simplex. Statura Hyoseridis; Calyx Tragopoginis. Semina Hieracis.

SCORZONERA.

- humilis. 1. SCORZONERA caule subnudo unifloro, foliis lanceolatis nervosis planis, *Hort. cliff.* 382. *Fl. suec.* 647; 685. *Mat. med.* 371.
 Scorzonera humilis latifolia nervosa. *Bauh. pin.* 275.
 Scorzonera humilis latifolia pannonica. *Clus. hist.* 2. p. 138.
Habitat in Europæ septentrionalioris pratis apricis. 2.
- hispanica. 2. SCORZONERA caule ramoso, foliis amplexicaulibus integris serrulatis, *Hort. cliff.* 383. *Hort. ups.* 242. *Gmel. sib.* 2. p. 6. *Gron. orient.* 244.
 Scorzonera latifolia sinuata. *Bauh. pin.* 275.
 Scorzonera major hispanica 1. *Clus. hist.* 2. p. 137.
Habitat in Hispania, Sibiria. 2.
- tomentosa. 3. SCORZONERA foliis ovatis nervosis tomentosissimis integerrimis sessilibus.
 Scorzonera orientalis latifolia nervosa candidissima & tomentosa. *Tournef. cor.* 36.
Habitat in Oriente. Burmannus.
 Caulis rectus, simplex, tomentosus. Folia alterna, sessilia; vix semiamplexicaulia, acutiuscula. Rami floriferi, axillares, solitarii, uniflori s. biflori, vix folio longiores: Bractæ una alterave lanceolata.
- graminifolia. 4. SCORZONERA foliis lineari-ensiformibus integris carinatis.
 Scorzonera lusitanica, gramineo folio, flore pallide-luteo. *T. Buxb. cent.* 2. p. 26. t. 21.